



Minggu, 05 Mei 2024
Ogen: Lukas 2:29-32



Malem Ateku



Lit cerita kerna asal-usul pensiun. Mbarenda, sekalak petinggi pemerintah Jerman gelarna Bismark. Ia duta Jerman i bas tahun 1870-an. Paksa e nandangi proses pemilihan Presiden Jerman. Bismark ngidah lawan politikna kalak si megegeh si enggo berumur 65 tahun ku datas. Gelah lawan politikna e lanai banci ipilih entah lanai banci mencalonken diri, ibujukna segelah badan legislatif erbahan sada undang-undang e me kalak pensiun i bas umur 65 tahun. E maka si enggo berumur 60 tahun pe lanai banci mencalonken diri. Alu aturen e si jadi lawan politikna ndai lanai ikut bas pemilihan presiden Jerman paksa e. Payo tuhu i bas usia lanjut, mbue jumpa erbage-bage kelemahen fisik si erbansa nukah sakit ras kote. Tapi i bas sisi si deban, ula lupaken maka kalak si enggo metua lit sejuta pengalamen: pagit, macem, entebuna kegeluhen si pastina erguna man kalak si nguda denga. Umur 60-65 tahun e me puncana intelektual, kepentaren ras pengalamen. Simeon e me sekalak si bujur dingen erkemalangen man Tuhan si nimai keselamatan nandangi kalak Israel. Kesah Tuhan nemania, makana setia ia lalap nimai kerehen Mesias e. Kesah Si Badia mabai ia guna jumpa ras Jesus e. Paksa si e, Jusup ras Maria maba Jesus ku Rumah Pertoton guna nehi hukum Taurat kerna pembersihen. E maka ialo-alo Simeon Jesus dingen iangkipna ras ngatakan bujur man Dibata sabap malem atena erkiteken nggo isehken Dibata padanNa man bangsa Israel. E maka kemalemen ate Simeon labo ibahan-bahani, mate pe labo dalih iakapna sabap nggo malem atena. Erkiteken paksa si e, alu matana jine ia nggo ngidah penampat si rehna i bas Dibata nari, penampat man kerina bangsa i doni enda.

Sekalak pernah ngerana, "Tidak ada orang yang terlalu tua selain mereka yang telah kehilangan semangat." ergaken ras erlarlah arah kalak si enggo metua. Bereken kesempatan man banta tetap berkarya gelah geluhna tetap erguna. Aminna pe enggo metua tetaplah kita semangat, gelah si dat tetap kemalemen ate.

☞ Malem ate i bas pengalamen si erbage-bage....